

Evening Dogri (NSD) News

02-May, 2026

खास खबरां

1. सुप्रीम कोर्ट नै पच्छिम बंगाल चुनाएं च छड़ा केन्द्रीय सरकार दे मुलाजमें गी मतगणना पर्यवेक्षक यानि Counting Supervisors नियुक्त करने दे चुना आयोग दे फैसले च दखलअंजादी करने आस्तै इंकार करी दिता- आखेआ जे अधिकारियें दा फैसला चुनां आयोग दे अधिकार क्षेत्र च ऐ।
2. तमिलनाडू दी सभ्भनें 234 विधानसभा सीटें पर सोमवारें गी होने आहली वोटें दी गिनतरी आस्तै तयारियां जोरे-शोरें कन्नै।
3. लोकसभा अध्यक्ष ओम बिरला होरें बरे 2026-27 आस्तै 4 संसदीय समीतियें दा पुर्नगठन कित्ता।
4. औने आहली बरसांत दे मौसम थमां पैहले भारत ते नेपाल दे बश्कार पूर्वानुमान मॉडल उप्पर चर्चा कीती।
5. सूचना ते प्रसारण मंत्रालय नै प्रसून जोशी होरें गी प्रसार भारती दा अध्यक्ष नियुक्त कीता।
6. भारती मौसम विभाग नै अगले दंऊ दिनें दे दरान भारती ते उत्तर पूर्व ते होरनें जगहें दे टांवी-टांवी थ्हारें पर बरखा होने दी पेशनगोई कीती ऐ।
7. आई.पी.एल क्रिकेट च अज्ज शामी चेन्नेई सुपर किंग्स दा मुकाबला मुम्बई इंडियन्स कन्नै होग।

<><><><><><>

SC-EC

सुप्रीम कोर्ट नै चुनां आयोग दे फैसले जेदे च पच्छिम बंगाल चुनाएं दी मतदान गिनतरी च छड़ा केन्द्रीय सरकार दे मुलाजमें गी गिनतरी आस्तै अनुमती देने आस्तै आखेआ गया हा-ओदे च दखलअंजादी करने दे प्रस्ताव गी खारिज करी दिता। इक बैंच जेदे च जस्टिस पी.एस. नरसिम्हा होर ते जस्टिस Joymalya Bagchi होर शामिल हे- उ'नें गलाया जे चुना आयोग दे दिशा-निर्देशें दा पूरा पालन कीता जाहगा। सुप्रीम कोर्ट दे इस फैसले कन्नै त्रिणमूल कांग्रेस गी बड़ा झटका लगगा। सुनवाई दे दौरान- जस्टिस बाघची होरें गलाया जे अधिकारियें दा चयन चुना आयोग दे हत्थ च ऐ। उ'नें आखेआ जे हर मत-गणना टेबल पर पैहले थमां गै एजेंट Observers ते सुपरवाइजर मौजूद हुंदे न ते उ'नें केन्द्र सरकार दे कर्मचारियें दी उपस्थिति पर बी सोआल पुट्टेया। चुना आयोग नै अदालत गी दस्सेआ जे सर्कुलर च स्पष्ट रुप कन्नै केन्द्र ते राज्य सरकार दे कर्मचारियें दे मिश्रन दा वोटें दी गिनतरी च

प्रावधान ऐ। एहदे शा पैहले कोलकाता हाई कोर्ट नै TMC दी याचिका गी खारिज करी दिता ते आखेआ जे राज्य सरकार दे कर्मचारियें दे बजाए केन्द्र सरकार नै सार्वजनिक क्षेत्र दे उद्योगें यानि PSUS दे मुलाजमें गी चुनाएं दी गिनतरी च चुनां आयोग दे राएं सहायक नियुक्त करने दे फैसले च कोई अवैधता नैई ऐ।

<><><><><><>

Counting TN

तामिलनाडु च 234एं सीटें आस्तै करोआए गेदे मतदानें आस्तै विधानसभा दे चुनाएं दे नतीजें सोमवारें गी औगंन- जिंदे लेई त्यारियां बधी-चढियै चला रदियां न। तमिलनाडू च गिनतरी आस्तै 62 केन्द्र नियुक्त किते गेदे न। इस बारी इत्थे त्रै राजनैतिक पार्टियें बश्कार कड़ा मुकाबला दिक्खने गी लब्बा रदा ऐ जिंदे च DMK- AIADMK ते राजनीति च नमीं आई दी TVK पार्टी शामिल ऐ। राजनैतिक दल परिणाम आहले दिन कुसै बी स्थिति थमां निबडने लेई कड़ी निगरानी रक्खा रदे न ते इस मकसद आस्तै War Rooms बनाए गेदे न।

तमिलनाडू दे प्रधान सचिव ते मुख् चुना अधिकारी अर्चना पटनायक होर जिले दे चुनां अधिकारियें कन्नै सोमवारें गी होने आहली चुनाएं दी गिनतरी आस्तै लगातार बैठकां करा' रदियां न।

<><><><><><>

ECI-Counting Observers

चुना आयोग नै पच्छिम बंगाल च अतिरिक्त मतगणना पर्यवेक्षक यानि Counting Observers ते पुलस पर्यवेक्षक तैनात कीते न। मतगणना पर्यवेक्षकें दी मदाद आस्तै 165 अतिरिक्त मतगणना पर्यवेक्षक नियुक्त कीते न ते उन्दी निगरानी आस्तै 77 पुलस पर्यवेक्षक तैनात कीते गे न- तां जे कानून बवस्था च मजबूती रवै। आयोग दा आखना ऐ जे इनें हीलें दा मकसद- चुनाएं दी गिनतरी शांतिपूर्वक सुरक्षित ते पारदर्शी ढंगै कन्नै संचालित करना ऐ।

हालांकी आयोग नै एह बी स्पष्ट कीता ऐ जे पुलस पर्यवेक्षक कुसै बी परिस्थिति च वोटें दी गिनतरी आले दिन मतगणना हॉल दे अंदर प्रवेश नैई करडन।

<><><><><><>

MEA –MoS –US Visit

विदेश राज्यमंत्री कीर्ति वर्धन सिंह न्यूयार्क च 4 शा 8 मई तगर संयुक्त राष्ट्र महासभा आसेआ आयोजित होने आहले दुए अंतराष्ट्रीय प्रवासन समीक्षा मंच दी बैठक च भारतीय प्रतिनिधिमंडल दा नेतृत्व करगंन। भारत इस बैठक दे दौरान भारत दे ई-प्रवासन अनुभव पर इक कार्यक्रम दा बी बक्ख तौरा पर आयोजन करोग। इस विशे पर पैहली बैठक बरे 2022 च आयोजित कीती गई ही- जेहदे च भारत नै सक्रिय ढंगै कन्नै हिस्सा लैता हा ते महत्वपूर्ण योगदान दिता हा।

<><><><><><>

USA-EU Tariff

अमरीका दे राष्ट्रपति डोनाल्ड ट्रम्प होरें यूरोपी संघ थमां आयात होने आहली कारें ते ट्रक्कें पर शुल्क बधाइयै 25 फीसद करने दा ऐलान कीता ऐ। एहदे करी अमरीका दी यूरोप दे कन्नै कारोबारी तनोतनी होर बधी गई ऐ। ट्रम्प होरें यूरोपी संघ पर बपार समझौते दी पालमा नेंई करने दा दोष लाया ऐ। उ”नें गड्डियां बनाने आली यूरोपी कम्पनियें गी अमरीका च अपना उत्पादन मुंतकिल करने दी गुजारश कीती। एह गैंड यूरोपी संघ ते अमरीका आसेआ ट्रम्प हुंदे निबेरी गोल्फ कोर्स च होए दे समझौते दे इक बरे शा बी घट्ट समें परैन्त पुटटी गई ऐ। एहदे तैहत मती सारी यूरोपी चीजें पर 15 फीसद शुल्क तय कीता गई हा। यूरोपी आयोग नै आखेआ ऐ जे एह अपनी वचनबद्धताएं गी पूरा करा करदा ऐ ते अमरीका थमां स्पष्टीकरण मंगगा रदा ऐ।

<><><><><><>

Birla Parl. Committees

लोकसभा दे अध्यक्ष ओम बिरला होरें बरे 2026-27 आस्तै 4 संसदीय समीतियें दा पुर्नगठन कित्ता। लोकसभा च बी.जे.पी सांसद डाक्टर संजय जैसवाल होरें गी Committee of Estimates यानि प्राक्कलन समीति दा अध्यक्ष नियुक्त कित्ता गेआ ऐ- जेदे च खल्लकें सदन दे 30 सांसद शामिल हे। सार्वजनिक उपक्रमें सरबन्धी समीति यानि Committee on Public Undertakings च लोकसभा दे 15 ते राज्यसभा दे 7 सदस्य शामिल होगंन जेदी अध्यक्षता बी.जे.पी. दे सांसद बैजयंत पांडा होर करगंन। श्री बिरला होरें लोकसभा दे कांग्रेस सांसद के.सी. वेनुगोपाल होरें गी Public Accounts कमेटी यानि लोक लेखा समीति दा अध्यक्ष नियुक्त कीता ते अनुसूची जाति ते अनुसूचि जनजाति कल्याण समीति दे अध्यक्षता लोकसभा

दे BJP सांसद फगन सिंह कुलस्ते होर करगंन। इनें समीतियें दा कार्यकाल इस महीने दी पैहली तरीक थमां लेइयै अगले साल दे अप्रैल महीने तोड़ी रौहग।

<><><><><><>

India-Nepal Joint Committee

कोसी ते गंधक परियोजना पर भारत ते नेपाल बश्कार 11मीं बैठक जेड़ी काठमांडू च चला रदी ऐ-ओदा अज्ज दूआ दिन ऐ। इस बैठक च अगगे औने आहली बरसांत दे मौसम थमां पैहले औने आहली बाढ दे अनुमान मॉडल बारे ध्यान केन्द्रित किता गेआ। इस बैठक च दौनें मुल्खें दे अधिकारी हिस्सा लैरदे न- जेड़े लम्मे समें थमां चला रदे कोसी ते गंधक परियोजनाएं दे तकनीकी ते प्रशासनिक मामलें बारे विस्तार च गल्ल करगंन।

भारतीय प्रतिनिधिमंडल दा नेतृत्व बिहार जल संसाधन विभाग दे प्रधान सचिव श्री संतोष कुमार मल्ला ते नेपाल थमां जल संसाधन विभाग दे महानिदेशक श्री मित्र बराल नेकिया होरें इस बैठक दा नेतृत्व कीता। इस सरबंध्यै च 9मी बैठक नवम्बर 2018 च काठमांडू च गै ते 10मीं बैठक अप्रैल 2022 च पटना च आयोजित कीती गई ही। इस बैठक च नेपाली प्रतिनिधिमंडल नै- कोसी ते गंधक परियोजनां आहले इलाकें थमां गैर-कनूनी कब्जें गी हटाने लेई सहमती प्रगट कीती। काशी क्षेत्र दे वीरपुर इलाके च 2026 दी बाढ औने थमां पैहले गै दौनें पक्खएं कटाव नियंत्रण कार्य आस्तै रेत ते मिट्टी जनेही सामग्रियें दा इस्तेमाल करने उपपर सहमत होए। इस बैठक च एह सहमती बी होई जे कोसी परियोजना दे तैहत GPS टैकनोलॉजी दा इस्तेमाल करियै पट्टे पर लैती दी ज़िमी दी निशानदेई बी कीती जाहग। नेपाली पक्ष नै बरसातें दे दौरान बाढ दे बेल्लै लकड़ी कट्टने- मछली पकड़ने ते स्थानीय नागरिकें दी गतिविधियें दे कारण कोसी बैराज दे सामान्य संचालन च औने आहली बाधा गी दूर करने दा बी आश्वासन दिता ते भारत नै बी पच्छिम कोशी Main Canal ते नेपाल दे वालमिकिनगर गंधक बराज च पानी इकट्ठा होने ते जल-निकासी दा निरीक्षण करने लेई सहमती दिती। भारतीय पक्ष एहदे च सहमत होआ ते इसी e-mail दे राएं प्रदान करोग। भारतीय पक्ख नै नेपाल दे आक्खने पर एदी Satellite फोटा भेजने लेई बी मंजूरी देई दिती।

<><><><><><>

MIB-Prasar Bharti Chairman

सूचना ते प्रसारण मंत्रालय दे समवादे दे माहिर प्रसून जोशी होरें गी प्रसार भारती दे अध्यक्ष दे रुपै च नियुक्त किता गया। जोशी हुंदे राएं किते दे कम्में च फिल्मी गीत- विज्ञापन अभियान ते कहानियां सनाने- केई गतिविधियां शामिल न- जिंदे करी ओह मन्ने जंदे न- जेदे कन्नै ओह मुख्य भरै च विविध दर्शकें गी जुडाव मसूस करोआंदे न। उन्दी नियुक्ति उप्पर सूचना ते प्रसारण मंत्री अश्विन वैष्णव होरें गलाया जे जोशी होर विज्ञापन- साहित्य ते कला दे क्षेत्रे च बड़ी गै मन्नी-परमन्नी दी हस्ती न ते इन्दे लफ्जें च मुख्यै दी मिट्टी दी सगंध ते सभ्यता झलकदी ऐ। मंत्री होरें उन्दी नियुक्ति पर तस्सली जताई ते आखेआ जे प्रसार भारती च हुन नमीं ऊर्जा- गहरा लक्ष्य तय नमीं आवाज गी शामिल कीता जाहग। एदे शा पैहले जोशी होर सैन्ट्रल बोर्ड ऑफ फिल्म सर्टिफिकेशन मुम्बई दे अध्यक्ष रेई चुके दे न।

<><><><><><>

Naval Chief Mayamar

नौसेना प्रमुख एडमिरल दिनेश कुमार त्रिपाठी अजै थमां 4 दिनें दे दौरे पर म्यांमार च न। रक्षा मंत्रालय नै दस्सेआ ऐ जे इस दुरान एडमिरल त्रिपाठी म्यांमार दे कमांडर-इन-चीफ जनरल ये विन ऊ- रक्षा मंत्री जनरल यू इटून आंग ते म्यांमार थेहारबंद बलें दे होरनें वरिष्ठ अधिकारियें कन्नै दपक्खी गल्लबात करडन। इस दुरान रक्षा सहयोग- कन्नै सरबन्धत बक्ख- बक्ख विशें पर चर्चा होग- जिंदे च समुन्द्री सुरक्षा- समर्थ निर्माण समर्थ बाहे ते सिखलाई पर चेचा ध्यान दिता जाहग। इस दौरे दा मकसद हिंद महासागर आले खेत्तर च स्थिरता- सहयोग ते समुन्द्री सांझ-भ्याली गी होर गैहरा करना ऐ।

<><><><><><>

Weather

मौसम विभाग नै अगले दिनें दुरान असम- मेघालय- सिक्किम-अरुणाचल प्रदेश- नागालैंड- मणीपुर- मिज़ोरम- त्रिपुरा- सब हिमालयी- पच्छिम बंगाल- केरला-माहे-तमिलनाडू- पुद्दुचेरी ते कारईकल च भारी बरखा होने दी पेशनगोई कीती ऐ। विभाग नै बिहार छत्तीसगढ़- आंध्र प्रदेश दे समुन्द्री इलाकें- पूर्व राजस्थान- जम्मू कश्मीर- लद्दाख- झारखंड- मध्य प्रदेश- उड़ीसा ते मुख्यै दे उत्तर पूर्वी इलाकें च गरज ते अंधी-झक्खड़ चलने ते बिजली चमकने दे असार दस्से न।

तोंआई जम्मू-कश्मीर च कल्लै थमां लेइयै 5 मई तगर मौसम बदलोखड़ा बने दा रौहग ते बरखा बरने ते अंधी झक्खड़ झुलने दे बी इमकान दस्से गेदे न। करसानें गी सलाह दिती गेई ऐ जे ओह इस दुरान राई-बाई आले कम्में गी स्थगित करी देन। आकाशवाणी दे जम्मू

संवाददाता नै जानकारी दिती ऐ जे मौसम विभाग नै अज्ज मौसम आमतौरा पर खुशक रौहने दी पेशनगोई कीती ऐ। उआं हौली बरखा दे बी इमकान ना। फही 6 मई कोला लेइयै 9 मई तगर मौसम आमतौरा पर खुशक बने दा रौहगा।

<><><><><><>

IPL

ते आई.पी.एल. क्रिकेट च अज्ज शामी चेन्नैई सुपर किंग्स दा मुकाबला मुम्बई इंडियन्स कन्नै एम.ए चिदम्बरम स्टेडियम च होग। एह मैच शामी साङ्गे 7.30 बजे शुरु होग। इस सीजन च दवै टीमां दबाव च न- मुम्बई इंडियन्स तालिका च सब्बनें शा थल्ले ऐ। तोंआई CSIR बश्कारली यानि मिड-टेबल तालिका च ऐ। दौनें टीमें बश्कार होए दे कुल 42एं मैचें च मुम्बई इंडियन्स नै 22 ते चेन्नैई सुपर किंग्स नै 20 रन्ज जिते दे ना।

<><><><><><>

Jitender Singh Heat Wave

भू-विज्ञान मंत्री डाक्टर जितेन्द्र सिंह होरें अज्ज लोकें गी आश्वासन दिता ऐ जे मई महीने च चलने आहली लूह गी लेइयै परेशान होने आहली केई गल्ल नेई ऐ। नमीं दिल्ली च मीडिया कन्नै गल्ल करदे होई उ'नें आखेया जे लूह जनेह हालात मुल्लवै दे किश-किश थाहरें पर गै बनी सकदे न- पूरे मुल्लवै पर एहदा इक्को जनेहा असर नेई होग- इस करी घाबरने दी कोई गल्ल नेई ऐ। उ'नें इब्बी आखेआ जे इनें हालातें गी समें-सिर तयारियें कन्नै ते भारती मौसम विभाग दे दिशा-निर्देशें गी मन्नियै नबेड़ेया जाई सकदा ऐ।

<><><><><><>

Vande Bharat Schedule

नमीं जम्मू-श्रीनगर वंदे भारत एक्सप्रेस रेल दी नियमित सेवा अज्ज बडुलै जम्मू थमां शुरु होई गेदी ऐ। एह ट्रेन मंगलवार गी छोड़ियै हफ्ते दे होरनें सब्बनें दिनें दरान बडुलै 6 बज्जियै 20एं मिंटे परा जम्मू थमां चला करोग ते दिनै 11 बज्जियै 10एं मिनटें पर श्रीनगर पुज्जोग। इस्सै चाली एह ट्रेन बुधवार गी छोड़ियै हफ्ते दे बाकी सब्बै दिन दपैहरी 2 बजे श्रीनगर थमां चलोग ते संजा 6 बज्जियै 50 मिन्टें पर जम्मू पुज्जा करोग। 20एं डब्बें आली एह ट्रेन जम्मू ते श्रीनगर बश्कार सिद्धा सम्पर्क स्थापित करा रदी ऐ ते एह 5एं घैंटें च अपना सफर पूरा करोग।

<><><><><><>

Tourist Surge

जम्मू-श्रीनगर वंदे भारत एक्सप्रेस रेल सेवा दे शुरु होने कन्नै मेद ऐ जे प्रदेश दिऐं सैलानी थाहरें पर सैलानिएं दी आमद च खरा मता बाद्दा होग। 5एं घैंटे दी इस रेल जात्तरा नै जम्मू ते श्रीनगर बश्कार सफर बड़ा तेज ते आरामदायक बनाई दित्ता ऐ। औने आले दिनें च एहदे कन्नै सैलसफा गी बड़ा मता बद्दावा मिलोग।

<><><><><><>